



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CONCILIIS, ET|| ECCLESIA MILITANTE,|| QVATVOR LIRBRIS||
COMPREHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XII. Ecclesiam esse visibilem.

[urn:nbn:de:hbz:466:1-53873](https://nbn-resolving.de/urn:nbn:de:hbz:466:1-53873)

*tholicam, & erit sic reponendus; Video & sentio Ecclesiam
sanctam Catholicam. Item CALVINVS lib. 4. Instit. cap. 1. §.
7. Bifariam, inquit, de Ecclesia sacra litera loquuntur: Inter-
dum enim cum Ecclesiam nominant, eam intelligunt, qua est
revera coram Deo, &c. Et infra de hac loquens: Nobis, in-
quit, invisibilem solius Dei oculus conspicuam credere Eccle-
siam necesse est. Et §. 3. Ceterum, inquit, ad amplexandam eo
modo Ecclesia unitatem, nihil opus est Ecclesiam ipsam oculis
cernere, aut manibus palpare.*

SECUNDo docent, visibilem Ecclesiam interdum ita errare in fide, & in oribus, ut penitus deficiat: ita Caluinus in præfatione Institut. Sed non parum, inquit, à Gero aberrant, dum Ecclesiam non agnoscunt, nisi quam præsenti oculo cernant. Et infra: Fremunt, inquit, nisi Ecclesia digito semper ostendatur. Et infra: Quin potius, inquit, permittamus Deo, & quando ipse solus nouit, qui sui sunt, interdum etiam Ecclesia sua exteriorem notitiam ab hominum aspectu auferat.

TERTIO docent, Ecclesiam veram, id est, inuisibilem non posse quidem deficere, nec errare in iis, quæ necessariò ad salutem pertinent; tamen in aliis errare posse: Ita Calvinus lib. 4. cap. 8. Institut. §. 13. & alibi. Nos contrarium assertimus, ac singula suis argumentis confirmabimus.

CAPVT XII.

Ecclesiam esse visibilem.

RIMVM igitur, quod vera Ecclesia sit visibilis, probatur primò ex Scripturis omnibus, vbi cuncte inuenit nomen Ecclesia, nam semper nomine Ecclesiae visibilis congregatio significatur; nec unum saltem locum Caluinus proferre potuit, nec protrulit, vbi hoc nomen tribueretur congregationi invisibili. Certè cùm dicitur Num. 20. *Tu eduxisti Ecclesiam Domini in solitudinem?* Ecclesia vocatur populus ille notissimus Israël, qui exierat de Ægypto: Sic 3. Reg. 8. *Vnde* visibili Ecclesia manifestè loquitur Scriptura, cùm dicit: *Conuertitiq[ue]z Rex faciem suam, et benedixit omni Ecclesia Israël;* omnis enim Ecclesia Israël stabat. Matt. 16. *Super hanc petram edificabo Ecclesiam*

Ecclesiam meam. Nomine petræ sive intelligas Christū, aut fidei confessionem, ut hærerici volunt, sive Petru, ut nos credimus, semper fundamentum Ecclesiæ est aliquid sensibile, ut patet, ac proinde Ecclesia ipsa est sensibilis, sive visibilis; nam etsi nunc neq; Christum, neq; Petrum videamus, tamen tunc vterque sensibus corporeis expositus erat ad videndum: & nunc vterque videtur, non in se, sed in Vicario, aut successore suo: Sicut Regnum Neapolitanum non ideo est inuisibile, quia Rex abest, nam Rex videtur in suo Prorege. Matth.

18. Dic Ecclesia, si Ecclesiam non audierit, &c.

Certè neutrum seruari posset, si esset Ecclesia inuisibilis,
Act. 20. Attendite vobis & vniuerso gregi, in quo vos Spiritu sanctus posuit Episcopos regere Ecclesiam Dei. Quomodo poterant regere Ecclesiam, quam non nouerant? Act. 15. Illi quem deducti ab Ecclesia pertransibant Phanicem. Et ibide
Cum vengissent Hierosolymam suscepisti sunt ab Ecclesia. Et cap.
18. Ascendit Paulus, & salutauit Ecclesiam. Quomodo illi conueniunt Ecclesiæ inuisibili? I. Cor. 15. Gal. 1. & Philip. Paulus dicit, se persequutum Ecclesiam Dei; at notum est, quos persequebatur, ex Act. Apost. cap. 9. Denique I. Tim.
Hac tibi scribo, fili Timothee, vt scias, quomodo te oporteat conuersari in domo Dei, qua est Ecclesia Dei vestri, &c. At si non poterat in ea conuersari, nisi sciret, quænam esset.

SECUNDО, probatur ex aliis Scripturis, vbi non nominatur, sed tamen aperte describitur Ecclesia, Psal. 18. In sole posuit tabernaculum suum. exponit Augustinus tract. 2. in epist. Ioannis; In manifesto posuit Ecclesiam suā, ut, sicut sol non potest omnino latere, ita nec Ecclesia possit abscondi. Item Isa. 2. Dan. 2. & Micheæ 4. comparatur Ecclesia monti magnō & conspicuo, qui nullo modo potest latere, secundum communem expositionem Hieronymi in ea loca, & Augustini tract. 1. in epist. Ioannis. Item illud Matth. 5. Non potest ciuitas abscondi supramontem posita. Augustinus libro de veritate Ecclesiæ, cap. 14. & alibi passim exponit de Ecclesia. Denique, parabolæ Euangelicæ de area, de reti, de ouili, de conuiuio, &c. omnes ostendunt Ecclesiam veram, quæ est regnum cœlorum, esse visibilem.

Probatur TERTIO, ex ipso ortu, & progressu Ecclesiæ, ut omittamus statum Testamento veteris, in quo adeo visibile

visibilis erat Ecclesia, ut in ipsa carne portarent visibile signum Circumcisionis; In Testamento nouo sine dubio Ecclesia Christiana tota erat in principio in Apostolis & discipulis Christi, qui adeò visibiles erant, ut super illos visibiliter Spiritus sanctus descenderit in die Pentecostes: Deinde, istis additi sunt visibiliter una die homines ad tria millia, & rursum ad quinq; millia, per fidei Confessionem & Baptismum, ut patet Act. 1.2.3.& 4. ac deinceps semper illi omnes, & soli habitu sunt de Ecclesia Christi, qui ad illos primos se adiunxerunt per Baptismum, & Confessionem fidei, & inde non recesserunt per hæreses, aut schismata, vel expulsi non sunt per excommunicationem.

QVARTO, probatur ex ipsa ratione Ecclesiæ; Ecclesia enim est societas quædam, non Angelorum, neq; animarum, sed hominum: Non autem dici potest societas hominum nisi in externis & visibilibus signis consistat; nam non est societas, nisi se agnoscant ij, qui dicuntur socij: non autem se possunt homines agnoscere, nisi societatis vincula sint extera & visibia. Et confirmatur ex more omnium humana- rum societatum; nam in militiam, in ciuitatem, in regnum, & alia similia nō aliter homines adscribuntur, quam signis visibilibus: Vnde Augustinus lib.19. contra Faustum, cap. II. In nullum, inquit, nomen religionis, seu verum, seu falsum, coagulare homines possunt, nisi aliquo signaculoru, vel Sacra- mentorum visibilium consortio colligentur.

QVINTO, tempore Christi, ut volunt Philippus & Illyri- cus, Ecclesia solum erat in Zacharia, Simeone, Anna, Maria, & paucis aliis piis, non autem in Pontificibus, & cetera mul- titudine Iudeorum. At constat, quod Zacharias, Simeon, & ceteri communicabant cum Pontificibus in templo, sacri- ciis, &c. Nam Zacharias in eodem templo sacrificabat: Anna ab eo templo non recedebat: Maria ibat singulis annis ad templum illud: Christus ipse mittebat leprosos ad Sacer- dotes, & dicebat: Qua dicunt, facite. ergo, vel male facie- bant isti communicando falsæ Ecclesiæ: vel male faciunt Lu- therani non communicandi nobiscum, & non obediendo Pontifici.

SEXTO, probatur ex necessitate; nam tenemur omnes sub periculo æternæ mortis veræ Ecclesiæ nos adiungere, & in

259 Cap.XII. De Ecclesia militante. Lib.III.

in illa perseverare, id est, capiti eius obedire, & ceteris membris comunicare, ut patet ex Cypriano de simplicitate Prae-
latorum, Hieronymo in epistola prima ad Damasum de no-
mine hypostasis, & Augustino lib. 4. de Baptismo, cap. I. At
hoc fieri non potest, si est Ecclesia inuisibilis.

SEPTIMO, ex dictis quæstione superiore; si enim Ecclesia
est congregatio hominum videntium Sacramentis iisdem, &
fidem Christi profitentium, sub regimine legitimorum pa-
storum, ut ibi probatum est, sequitur necessariò eam esse
sibilem.

VLTIMO, testimoniis veterum. ORIGENES hom. 30 in
Matth. Ecclesia, inquit, plena est fulgore ab Oriente usq[ue] ad
Occidentem, Eccl. CYPRIANVS libro de unitate Ecclesie
Ecclesia, inquit, Domini luce perfusa, radios suos per orbem
terrarum spargit, Eccl. CHRYSOSTOMVS homil. 4. in
6. Maiæ: Facilius est, inquit, solem extingui, quam Ecclesia
obscurari. AVGVSTINV[S] lib. 3. contra epistolam Parma-
niani, cap. 5. Nulla, inquit, est securitas unitatis, nisi expro-
missis Dei, Ecclesia declarata, qua supra montem, Et distans
est, constituta, abscondi non potest. Tract. I. in epistolam Io-
annis: Nunquid digito ostendimus Ecclesiam, fratres mei?
nonne aperta est? Et Tract. 2. Quid amplius dicturu[m],
quam cacos, qui tam magnum montem non vident? Quis con-
tra lucernam, in candelabro positam, oculos claudunt?

C A P V T XIII.

Ecclesiam visibilem non posse deficere.

EA M. quod Ecclesia ista vera & visibilis non possit
deficere, facile probari potest. Notandum autem
est, multos ex nostris temporibus terere, dum probant,
absolutè Ecclesiam non posse deficere; nam Cal-
vinus, & ceteri heretici id concedunt; sed dicunt, intelligi
debere de Ecclesia inuisibili. Probare igitur volumus, Ec-
clesiam visibilem non posse deficere; & nomine Ecclesiæ non
intelligimus unum, aut alterum hominem Christianum,
sed multitudinem congregatam, in qua sint Praefati & sub-
diti.

PRIMUS